

SARINE DOBINENA KEDA TU MUKHEA KO PALEKERIBE



Sakova var keda tu mukheja disavo pakujbe/ambalaža ja pale gazeta ko palekeribe tegani ovela diso baro.

I purani kapsula šaj te kerel pe te ovej pleko ki vrdaskiri karoserija. O čučo prašakoskoro paketi šaj ko primer te kerel pe te ovel kundurengoro kartoni. I eratutni gazeta šaj te ovel tajsutni. E naturakere buča koristinena pe pale hem tegani šparinela pe but energija. Adžahar daja dumo jek javereske te šaj te ovel amen jek šukareder sveto dživdipaske.

PALEKERIBE/RECIKLIRIBE

Sa o paketiribe/ambalaže hem o gazete so khedena pe hem ingarena pe ko palekeriba ovana neve paketiriba hem produktija. O plastikane ambalaže ovana buča kolendar kerena pe frče, luludžengere saksije. O srče hem o lilale ambalaže but vare ovana pale ambalaže. O metalikane ambalaže šaj te ovel armiribaskoro sastrin a o čitime/drabarde gazete šaj te ovel khereskoro ljil ja pale nevi gazeta.

PRODUCENTENGORO ODGOVORNOST

Ki Švedija isi amen jek regulari kaske so vakerela pe producentengoro odgovornost. Odova značinela kaj okoja firma so producirinela ja bikinela ambalaže hem gazete isi olen odgovornost odola buča te kheden pe hem te palekeren pes. Amen ko Tidningsinsamlingen, FTI, siam bučakerde te kera buti akale firmenge. Amen mangaja te ovel tuke lokhe te mukhe ko palekeriba a ko jekvakti/istovremeno e natura te ovel so buteder so šaj šukaripe odolestar. Ama kaj te šaj te ovel odova amenge trebela tlo dumodejbe!

PALEKERIBASKERE TERDŽOVINA/ RECIKLIRIBASKERE STANICE

O FTI odgovorinela bašo sa palekeribaskere terdžovina so nane olen personali ki sa i Švedija. Othe šaj te mukhe palekeribaske gazete hem ambalaže plastikatar, lilestar, metalestar hem srčatar. Te bešeja ki jek zgrada kori so isi ola plo khedibagazete hem ambalaže tegani šaj mukheja othe odola buča.

BUTEDER INFORMACIJA

Ko www.ftiab.se/hitta-atervinningsstation šaj te arakhe savi palekeribaskiri terdžovin i tuke hempaše hem te dikhe keda ola čučarena pe hem šulavena pe. Othe isi sortiribaskoro sikavibe, filmia palekeribaske, tipsi hem godidejbe ama hem informacija baši amari buti.

Te isi tut pučiba bašo palekeriba gazetendar hem ambalažendar tegani šaj kontaktirineja amen ko kontakt@ftiab.se ja pale ko **0200-88 03 11**. Keda i ko pučiba krupno džubre/gunoj, komposti, elektrikano džubre ja pale javera ferdibaskere/čhudibaskere pučiba, šaj te kontaktirine tle komuna ja pale te čitine/drabare ko www.sopor.nu .

Sortirin buteder!

Kaj te šaj so buteder so šaj te palekerel pe tegani trebela amenge tlo dumodejbe. O ambalaže trebena te oven sa čuče hem disar šuke. Te isi tut ambalaže soj kerde taro sajaver/razno matrijali amenge ka ovel šukar te sortirindžan palo matrijali. **Ov sasti/Ov sasto!**



PLASTIKANE AMBALAŽE

Primer: Flaše, konzerve, plastikane kesika, palepheribaskere ambalaže, plastikane tube, čipseskere kesika hem stiropoli.

- ✓ Ikal o tape hem kapakija. Čučar tli kesik e plastikane ambalažaja ki kanta hem sortirin. Odova ločharela ponodori o palekeriba.
- ✗ O plastikane produktija so nane olen ambalaže mukhena pe ko grubadžubrengoro than ja pale ko than kori so ferdena pe khereskere buča, ko primer mobilija hem khelibaskere buča. O pale iranibaskere flaše mukhena pe ko dučane hem lela pe kaucija.



LILALE AMBALAŽE

Ko primer: pastakere thudeskere hem sokoskere/zumijakere ambalaže, lilale kesika, minijengere/kundurengere kartonja, toaleteskere lila hem kartonja.

- ✓ Ispravin olen hem phag olen šukar. O tikneder ambalaže čhiv ko bare ki te šparine than.
- ✗ O kufertija čhivena pe ko obično khereskoro džubre ja pale ko tharutno džubre. O gazete, reklamiribaskere lila hem javera asvake buča čhivena pe ki gazetengiri kanta.



METALIKANI AMBALAŽA

Ko primer: Konzerve, čuče sprejengere konzerve, tube, kapsulija, kapakija hem čuče bojengere/renkijengere konzerve.

- ✓ Bandžar o oštra kapakija ko konzerve. Mukh e tubengere tape te oven othe.
- ✗ O konzerve so isi olen hari boe hem lepako ola sortirinena pe sar opasno džubre. Metalikano džubre, TVS (tačaribe, ventilacija hem sanitetno) buča, pekibaskere tave hem javera produktija so nane olen ambalaža, mukhena pe sar grubo ja pale sar khereskoro džubre. O paleiranibaskere konzerve mukhena pe ki dučana hem lela pe kaucija.



SRČENGIRI AMBALAŽA

Ko primer: Flaše hem konzerve taro bojakere ja bibojakere srče.

- ✓ Ikal o kapsulija, kapakija, tape hem sortirin palo o matrijali. Sortirin e bojakere hem bibojakere srčengiri ambalaža ko pravo kante.
- ✗ O paleiranibaskere flaše mukhena pe ki dučana hem lela pe kaucija. Porcelini, keramika hem javera produktija so nane olen ambalaža mukhena pe ko grubo džubre ja pale ko khereskoro džubre. Sijalice hem sijalicengere cevke mukhena pe obično ko komunakere palekeribaskere centrija kori so isi personali.



GAZETE

Ko primer: Diveskere hem kurkeskere gazete, vakteskere hramina, katalogija, reklamiribaskere gazete, brošure, džepengere lila hem pišibaskoro/hramojbaskoro hem crtibaskoro ljl.

- ✓ Ikal o plastikane kesika hem o lepime reklamiribaskere lila.
- ✗ O kufertija hem o sivde lila čhivena pe sar khereskoro džubre ja tharutno džubre. O lilale kesika, kartonja hem slična buča čhivena pe ki kanta baši lilengiri ambalaža.